

bis, tam in Sphæra quam in tabula: ac ideo quæ in Europa sunt, prius collocauimus, quum & nos à Libya, Herculeo diuidimus freto, ab Asia uero pelago interfacenti, ac Palude Mæoti, nec non flumine Tanai, ac eo meridiano, qui ad terram protenditur incognitam. His reliqua quæ per Libyam sunt adnectimus, quæ etiam ab Asia diuidimus, post maria quæ iuxta Præsum Aethiopiæ sunt promontorium, usque ad sinum Arabicum, ipso sinu Arabico ac Isthmo, qui ab eius secessu, iuxta Heroum ciuitatem ad nostrum usque pertingit mare, Aegyptumque determinat ab Arabia & Iudæa, ne Aegyptum distrahamus, si Nilum statuerimus terminum. Et quia commodius est, continentes, cum ita euenit, fretis potius, quam fluminibus terminari. Reliqua uero quæ per Asiam sunt, eodem subiungemus proposito, tum per continentem unum, quæque in partibus eius ad terram totam, quam orbem uniuersum, quo ad partes ipsas, hoc est, ut iterum regiones borealiores & occidentaliores, primo scribamus, necnon adiacentia eis maria ac insulas, cum specie uniuscuiusque digniori, sed & partes illas prouinciarum,

seu præfecturarum, discernemus circumscriptione, expositionem iuxta promissionem, quæ ab initio fecimus continuantes, solum tamen quantum ad cognitionem localem, & ordinem prouenerit, diffusam circa singulares gentium mores, historiam prætermittentes: præterquam si ea, de quibus antea nobis sermo fuit, breui & necessaria indigerint adnotatione. Proinde talis expositionis modus, cuiuslibet facultatem præstabit, ut uel unam seu plures prouincias, aut præfecturas describere possit, secundum quod tabularum congruerint dimensionibus, cum decenti ratione, & figuratione eorum quæ sub unaquaque tabula comprehendi possunt, ad inuicem iuxta eundem fiendi ordinis modum. Præterea nil admodum referet, si æquidistantibus usi fuerimus meridianis lineis, rectis quoque parallelorum, dummodo solum partes distantiarum meridianorum eam rationem sumant ad distantias parallelorum, quam maximus habet circulus ad illum parallelum, qui in tabula hac medius erit. His itaque definitis, particularem iam inchoabimus expositionem.

Prologi finis.